



**Clara Et Praeclara Methodus Parandæ Eloquentiæ,
Secundùm Doctrinam & Præcepta Cypriani Soarii è
Societate Jesu, Ad Captum Et Praxim Faciliorem
Accommodata**

Worpitz, Georg

Coloniæ Agrippinæ, 1700

§. 1. Emolumenta artificialis memoriæ exponuntur.

[urn:nbn:de:hbz:466:1-68908](https://nbn-resolving.de/urn:nbn:de:hbz:466:1-68908)

(540)

PARS SEXTA.

De Memoria artificiali.

Dum brevitati Cyprianus Soarius constituit minus ea, quae ultimas eloquentiae partes spectant, Memoriae & pronuntiationis praecpta enucleavit. Cum verò memoria, quae artificialis est, utpote ignota, passim neglectui habetur, placuit illi explanadæ diutius imorari.

§. I. *Emolumenta artificialis memoriae exponuntur.*

Est autem *Memoria* compræhensiva mentis virtus, quā ea retinemus, quæ sensu, vel mente percipimus : aliis, mentis promptuarium, penus, ærarium Jazophilacium, thesaurus scientiarum fidelis custos ; ejus enim facultate, audita, lecta, vel cognita facile apprehendimus, & firmiter retinemus. Si virtus hæc animis nostris insita, & collata est naturæ beneficio, *Naturalis* dicitur : sin artis præceptis acquiritur, *artificialis*. Prior Rhetoricæ pars non est, sed posterior, quæ tamen ipsa presupponit naturalem, quæ quo fuerit vegetior, eò plus emolumenti conferet ad eam quæ arte docetur. Ars enim hic, sicut in aliis, perficit naturam, teste Aristotele, & ea quæ rudiæ sunt, ac velut informia, excolit, & expolit. Et est ars certior dux, quam natura ; illius enim beneficio, ita res dicendæ, aut memorandæ animo imprimitur, ut eas in mente, sicuti literas chartæ impressas oculis corporis quodammodo intueamur. Quemadmodum enim (verba sunt Authoris ad Hennium

renium l.3.) qui literas sciunt, possunt id, quod dictum est, scribere, & ea quæ scripseront, recipere: ita qui μνημονικὰ didicerunt, possunt hæc arte, quod audiverunt in suis locis collocare, & ex iis memoriter pronunciare, sic ille. Confirmat id ipsum sua experientia P. Sebastianus Izquierdo in Phare scientiarum tom. 2. disput. 32. ubi de artis hujus præstantia, & legibus agit. Ex quo conficitur, ut, cùm naturæ his memoria nos sæpè fallat, sive quia labilis, sive quia metu aliove subito affectu perturbata, hæc nunquam ab errare sinat, quod enim dicendum est, sic ob oculos mentis fixum habet, velut oculus corporeus characteres in libro sibi proposito. Et quemadmodum oculus corporis, quas quis in folio libri legi sibi vult lineas, sive supremas sive infimas, sive medias exhibet, ita qui ex præscripto artis hujus, quā plurima memorie mandavit, potest ea promovere, quo quis vult ordine, sive recto, sive retrogrado, sive intercalari. Neq; tantum (de exercitatis loquor) disciplinæ hujus alumni labore rem habent, quantum alii, qui naturali conténti sunt: artis enim hujus subsidio una hora discet aliquis, quod aliis licet optimæ memoriæ, vix quatuor, ut appromittit Lambertus Schenckelius. Neq; ea solum quæ cohærentia sunt per modum historiæ, ubi unum ducit in cognitionem alterius, sed etiam disparata v. g. nomina varia in Genealogia Christi, in serie Pontificū, Cæsarū, Sanctorum &c. quæ nullo scire labore, quo quis voluerit ordine sive recto, sive

sive retrogrado, sive intercalari efferre poterit. Accedit quod majori hæreant firmate impressa, quam quæ naturali didicimus, horum enim citò oblivissimum, eorum autem per annos plures recordamur; perinde enim quasi literæ in cera sic imagines in locis designatis manent impressæ. Exemplis hæc compluribus comprobat Lamb. Schenckelius lib. 1. c. 2. quorum aliqua videri possunt apud Ciceronem lib. 2. de Oratore. Quintilian. lib. 11. c. 2. & Senecam in prologo declamationis, ubi inter alia, duo, inquit Seneca, millia nominum, quo ordine erant dicta, referebam, & ab iis, qui ad audiendum Præceptorem nostrum convenerant, singulos versos à singulis datos, cum plares, quam ducenti efficerentur, ab ultimo incipiens, ad primum recitabam. Nec ad complectenda tantum, quæ vellem, velox erat mihi memoria, sed etiam ad continenda quæ accep-
rat, &c. S. Augustinus de anima & ejus origine ad Vincent. Victorem l. 4. cap. 8. de quodam Simplicio scribit, quod cùm interrogatus esset à nobis, quos versus Virgilius in omnibus libris suis supra ultimos dixerit, continuo celeriter, memoriterque responderet. Quæsivimus etiam, Superiores ut dicceret: dixit; & credidimus eum posse retrorsum recitare Virgilium. De quoque loco voluimus, petivimus, ut faceret, fecit. Vide eundem lib. 10. Confess. à c. 8. & Francisc. Petrarcham apud Beyerling in Thea-

tro

to Vitæ hum. Antonius Ravennas multa
milliarerum, stans percipiebat animo, & eo
quo accepta erant ordine, reddebat, Petrus
Ravennas absque chartarum refugio, scien-
tiarum omnium Bibliotheca fuit; ex arte ea-
nim mandatis memoriae iis, quæ in sacris lite-
ris, Jure Canonico, Civili &c. scitu digna-
sunt, patriam reliquit, illo Biantis glorians:
Omnia mea mecum porto. M. Anton. Mu-
tatus variar. Lection. ad Hypolitum Cardin.
Eltens. refert de Corsico Juvene, qui se pas-
retum ajebat ad triginta sex nominum millia
resumenda. Tentavit id ipse Muretus. Cœ-
pi ego, scribit ille, dictare nomina Latina,
Græca, barbara, significantia, nihil signifi-
cantia, tam varia, tam nihil inter se cohæren-
tia, ut & ego dictando, & puer cui mandatum
erat accipere, scribendo, & cæteri, qui ade-
rant, audiendo, atque expectando fessi, iam
miris modis essemus omnes: ipse unus ex
omni numero alacer ac recens, assiduè plura
poscebat. Et post pauca interjecta exorsus
loqui, inquit, eodem ordine, nusquam hæsi-
ens, nusquam prope insistens, nobis stupen-
tibus redidit. Deinde ab ultimo incipiens
tum versus pervenit ad primum; rursus
ita, ut primum, tertium, quintum ac sic dein-
teps omnia diceret, quo denique quisque
voluerat ordine, sine ullo errore omnia refe-
rebat. Docuit is idem adolescentem sene-
tum memoriae parum firmæ, ut intrâ sex
aut septem dies quingenta nomina sine diffi-
cul-

cultate, quocunque liberet ordine repeteret.
Ex his atque aliis exemplis quæ consulto prætereo, emolumenta sequuntur quāplurima.
Nam 1. potest quis adultus trium mensium
spatio commode linguas addiscere, Latinam,
Græcam, Italicam &c. exemplo Themisto-
clis, qui brevitatis intervalllo Persicū idio-
ma addidicit, quo Regem sine internuncio
salutaret. Item Mithridatis, qui duabus &
vinti gentibus, quibus imperabat, sive in-
terprete jura dixit, earundem linguarum
peritus. 2. Potest qui Imperatorum, Du-
cum, Gubernatorum &c. subjectorum sibi
nosse nomina, vires, opes, tributa, debita &c.
Cyrus cum præasset triginta millibus milia-
rum, singulos nominatim alloqui poterat,
quod & de Adriano imperatore. C. Sci-
pione Asiatico, aliisque traditur. Cyneas
Thessalus missus à Pyrrho ad Romanos Le-
gatus, postero die, & Senatum & omnem
Senatui circumfusam plebem nominibus
suis compellavit, ut Author est Plutarchus in
Pyrrho. Cicero lib. I. Tuscul quæst.

3. Potest Theologus legumque divinarum
& humanarum studiosus, Confessarius, Con-
cionator &c. scripturæ sacræ textus, Patrum
afferta, Pontificum Decreta, excommunica-
tiones, irregularitates, Doctorum placita &c.
callere perspicue, ac si opus sit, ex tempore
docere sine scripto. Ita Lysander, & Ar-
chippas memoriter artis præcepta professi

sunt

sunt Thelis, Esdras, teste Eusebio deperditos
Moysis libros de memoriae thesauro resti-
tuit.

4. Legati, nuntii, Consiliarii, Negotiorum
apud Principes, causarumque actores. Notarii
publici, possunt excipere quam plurima, ea-
que diversa responfa, sine rerum aut verbo-
rum confusionè. Possunt item sua proponere
sineturvationis, aut erroris metu, licet ab ali-
quo interpellentur. Sic Advocatus, si centum,
aut plures causas habeat, potest omnes cum
circumstantiis secundum hujus artis præscri-
ptum in memoriam reponere, ut singulis sine
ordine accendentibus Clientibus sic respon-
deat, quasi scripta, cujusque ante oculos ha-
bens, legeret. Si verò causæ agendæ sint de
memoria, ut nonnullis sit in locis, non solum
sua meminisse, sed &c., quæ ab adversariorum
parte dicuntur, ut ad singula respondeat, po-
test retinere. Ita & Jurisperitus legum sua-
rum vastitatem complecti potest, ut eas in
memoria expeditas habeat cum earum locis
& principiis, quo pacto subserviit Franc. Ty-
gri Pisanus Bartholo in legibus, quas in
promptu non habebat, cùm commentaretur
inveniendis, teste Baldo in ejus vita.

5. Potest militia Dux omnia bella, bello-
rum causas, principia, finem, stratagemata,
consilia, actiones, successus, &c. perspecta ha-
bere, quæcunque audivit, vel legit unquam
exemplo Fabii, Maximi Luculli, &c.

6. Potest quis æmulari Julium Cæsarem,

Mm

qui

546 *De Memoria artificiali.*

qui epistolas de rebus maximis quaternas, pariter dictabat aliis, ipse manu sua quintam exarabat; ac si calamum deponeret, septenis non impar erat. Denique ne longior sim, potest quis Bibliothecam integrum perlegere, ac verbotenus, quorum voluerit recordari, ac de memoria in aures, vel chartam effundere: ita enim lectione Patrum Catenam auream Doctorem Angelicum concinnasse ferunt.

Verum, quisquis haec atque alia assequi cupit, laboris in principio, tediumque sit patientis, memor nihil eximum in trivio observare, sed in arduo positum esse, quo adepto, dulce est meminisse laborum. Duarum hebdomadarum spatium ad cognoscendam praxim sufficere asserit, qui eam professus est palam Lambertus Schenkelius: inde usum exercitationemque assiduum requirit sex mensium spatio, & tam facilè, (verba ejus sunt) tam celeriter, tam copiose tibi occurrent memorandum figuræ, quam facile dum aliquid scribis literarum alphabeticarum tibi suppeditant notæ.

§. 2. *Fundamenta artis hujus.*

Simonides, ut loquitur Cicero l. 2. de Oratore, invenisse fertur ordinem esse maximè, qui memoriam lumen afferret. Itaque iis, qui hanc partem ingenii excrécent, locos esse capiendos, & ea quæ memoriam tenere velint, effingenda animo, atque in his locis collaudanda: Sic fore, ut ordinem rerum, locorum ordo servaret, res autem ipsas rerum effigies

notæ,